



Pou Piblikasyon Imedya: 23/05/2022

GOUVÈNÈ KATHY HOCHUL

## GOUVÈNÈ HOCHUL ANONSE LANSMAN KOMISYON REYAMENAJMAN PRIZON

*Komisyon ekspè prensipal la yo atravè devlopman kominotè ak ekonomik, imobiliye, refòm jistics kriminèl ak Gouvènman an pral reyini pou egzamine reyitilizasyon sant koreksyonèl fèmen yo nan kominote ki afekte yo*

*Prezidan ak Direktè Egzekitif Jeneral Empire State Development lan, Hope Knight, ak Prezidan Fondasyon Ford la, Darren Walker, te nonmen kòm ko-prezidan*

Jodi a, Gouvènè Kathy Hochul te anonse lansman Komisyon Reyamenajman Prizon an ki konsantre sou prizon ki fèmen yo pou opòtinite reyamenajman inovatè yo atravè Eta New York. Komisyon 15 manm lan, te premye anonse nan kad diskou Gouvènè Hochul sou Sitiyasyon Eta a an 2022, gen ladan ekspè prensipal nan imobiliye, devlopman kominotè ak ekonomik, refòm jistics kriminèl ak gouvènman. Komisyon an pral gen Hope Knight, Komisè, Prezidan ak Direktè Egzekitif Jeneral Empire State Development ak Darren Walker, Prezidan nan Fondasyon Ford (Ford Foundation) k ap dirije li.

"Pandan New York kontinye avanse, n ap gade fason pou nou revitalize ekonomi nou an, sa gen ladan reyimajine pwopriyete fèmen prizon eta yo kòm santral opòtinite reyjonal", **Gouvènè Hochul te deklare**. "Jan mwen te pwomèt sa nan diskou sou Sitiyasyon Eta a, mwen te kreye yon komisyon lidè nan sektè piblik ak prive, ansam ak ekspè nan devlopman ekonomik yo atravè peyi a, pou pi byen konekte endistri nou an ak objektif mendèv yo avèk plan aksyon ki pral ekonomize lajan kontribiyab ak pote nouvo lavi nan bilding sa yo kòm motè ekonomik. Objektif final nou se pèmèt Nouyòkè yo travay epi mwen konfyan ke nouvo Komisyon Reyamenajman Prizon ki fòme sa pral ede kreye yon plan aksyon pou rive fè sa".

**Prezidan, Direktè Egzekitif Jeneral ak Komisè Empire State Development lan, Hope Knight, te deklare**, "Mwen fyè pou m aksepte envitasyon Gouvènè Hochul la kòm ko-lidè nouvo Komisyon Reyamenajman Prizon ki kreye a epi mwen pa ka tann pou m travay avèk Prezidan Fondasyon Ford la, Darren Walker, ak manm ekspè komisyon sa pou fè lide Gouvènè a tounen yon reyalite. Devlopman mendèv la se yon priyorite pou Gouvènè a ak pou ESD (Empire State Development), epi transfòme ansyen espas prizon sa yo pou tounen sit ki kapab abòde bezwen endistri reyjonal yo pral ede fè zòn yo atravè eta a reviv, nan soti nan anprizònman pou pase nan inovasyon".

**Darren Walker, Prezidan Fondasyon Ford Ia, te deklare**, "Fèmen prizon yo enpòtan pou rezoud fleyo anprizònman an mas, men sa pa ka fini la — pou atenn jistis pou tout moun, nou dwe fè tout efò posib ak eksplor opòtinite reyamenajman prizon yo ki asire moun ak kominote yo gen opòtinite ekonomik nesesè pou yo pwospere. Mwen onore pou m rejwenn komisyon reyamenajman prizon Gouvènè Hochul pou mete New York kòm yon lidè nan redui popilasyon nan prizon yo ak amelyore byennèt kominote yo, pou sekirite, opòtinite ak jistis pou tout moun".

**Elizabeth Gaynes, Ansyen Prezidan ak Direktè Egzekitif Jeneral Asosyasyon Osborne,, te deklare**, "Sa gen plis pase yon syèk depi fondatè Asosyasyon Osborne (Osborne Association) te direktè Sing Sing epi te fè sèman pou 'transfòme pil feray sa a pou tounen yon atelye reparasyon. Depi lè sa, Osborne te angaje pou transfòme prizon pou moun k ap viv ladan yo, vizite yo ak travay ladan yo. Men pandan plizyè douzèn prizon te ouvri ak fèmen pandan moman sa, pa te janm gen opòtinite pou ranfòse ekonomi New York ak satisfè bezwen kominote yo ke fèmti yo afekte ki kounye a posib atravè Komisyon sa. Pandan plis pase sis ane, Osborne te travay -- avèk sipò Eta a, Vil New York, filantwopi prive, kreyansye komèsyal ak popilasyon Bronx lan -- pou transfòme Sant Koreksyonèl Fulton ki pa itilize pou tounen yon sant reyentegrasyon kominotè ki bay lojman tanporè pou plis pase 130 moun ki prale lakay k ap soti nan prizon. Mwen eksite pou m pote eksperyans mwen nan inisyativ sa, ak plizyè deseni travay nan prizon nan chak pati nan eta a, pou komisyon sa ak aprann nan men pati entere se yo sou fason resous sa yo kapab reyilitize pou satisfè bezwen kominotè yo".

**Stephen Acquario, Direktè Egzekitif Asosyasyon Konte Eta New York yo, te deklare**, "Konte yo apresye Gouvènè Hochul ki abòde preyokipasyon kominotè ki asosye avèk fèmti sant koreksyonèl eta a. Nou gen yon opòtinite inik pou reyilitize, reyimajine ak repanse kijan pou nou pwofite enfrastrikti ki egziste pou ancourage kwasans ekonomik. Mwen pa ka tann pou m travay avèk komite a pou eksploré nouvo lide ak estrateji pou transfòme sant sa yo pou tounen resous ki amelyore ak ranfòse kominote nou yo".

Nan diskou sou Sitiyasyon Eta li a nan kòmansman ane sa, Gouvènè Hochul te anonse li t ap fòme komisyon an pou analize opòtinite reyamenajman prizon ki sèvi bezwen ekonomik eta a epi rekòmande yon plan aksyon klè ak kredib. Fèmti yo ke Gouvènè Hochul te idantifye otòn pase a ki ajoute ak plis pase ven ki te fèmen pandan kenz ane pase yo. Fèmti yo bay opòtinite pou transfòme enstalasyon sa yo an mwayen ki pi kreyatif ak pwodiktif, sa k ap trase wout pou opòtinite pou estimile envestisman ak kreyasyon travay.

Komisyon an gen ladan lidèchip ajans Eta a yo ansanm ak fondasyon yo, lidè reyonal yo ak pati konsène yo epi ekspè devlopman ekonomik yo ki pral konsantre sou prepare yon plan aksyon pou transfòme prizon ki vid yo, kote anpil te sant travay nan kominote riral yo, pou tounen opòtinite pou kominote yo pwospere. Premye reyinyon komisyon an te fèt jodi a.

Manm Komisyon yo se:

**Anthony Annucci**, Komisè Pwovizwa, Depatman Koreksyon ak Sipèvizyon Kominotè Eta New York

**Erik Kulleseid**, Komisè, Biwo Pak, Rekreyasyon ak Prezèvasyon Istorik Eta New York

**Jeanette Moy**, Komisè, Biwo pou Sèvis Jeneral

**Robert Mujica**, Direktè, Divizyon Bidjè Eta New York

**Roberta Reardon**, Komisè, Depatman Travay Eta New York

**Steve Acquario**, Direktè Egzekitif, Asosyasyon Konte Eta New York

**Deborah Berke**, Patnè Fondatè, Deborah Berke Partners

**Heather Bricceti**, Prezidan ak Direktè Egzekitif Jeneral, The Business Council of New York State

**Jeff Buell**, Direktè, Redburn Development

**David Buicko**, Prezidan ak Direktè Egzekitif Jeneral, Galesi Group

**Penny Hill**, Dwaven Developman Ekonomik ak Inisyativ Mendèv, Hudson Valley Community College

**Christa Hines**, Direktè Egzekitif, Hudson River Housing

**Stanley Richards**, Direktè Egzekitif Jeneral Adjwen, Fortune Society

**Ryan Silva**, Direktè Egzekitif, Konsèy Developman Ekonomik Eta New York

**Deanna Van Buren**, Fondatè, Designing Justice and Designing Spaces

Komisyon an pral reyini pandan ane sa pou angaje nan dikisyon sou règleman, tande prezantasyon ekspè endistri yo ak idantifye domèn pou analiz pi pwofon yo. Pou ede enfòme analiz komisyon an, Eta a ak ESD pral angaje avèk pati konsène yo ki reprezante chak rejon prizon pou kòmantè lokal ak pèspektiv sou itilizasyon alavni pou enstalasyon yo ki satisfè bezwen zòn lan. Apre pwoesisis sa, komisyon an pral pwodui yon rapò piblik, sa gen ladan rekòmandasyon pou pwochen etap yo.

Pou plis enfòmasyon, ale sou [sit entènèt](#) Komisyon Reyamenajman Prizon Eta New York la.

**Komisè pa Enterim Depatman Koreksyon ak Sèvis Kominotè, Anthony J. Annucci, te deklare**, "Pandan ekspansyon Depatman an nan kòmansman 1990 yo, kominote yo atravè New York te akeyi devlopman novo prizon yo. Jodi a, pandan popilasyon ki nan prizon an ap bese epi sant koreksyonèl yo fèmen, li enpòtan pou nou idantifye reytilizasyon pwopriyete sa yo pou sipòte kominote yo ki aksepte enstalasyon yo plizyè deseni de sa".

**Erik Kulleseid, Komisè Biwo Pak, Lwazi ak Prezèvasyon Istorik Eta New York Ian, te deklare**, "Mwen onore pou m sèvi bò kote manm akonpli Komisyón Reyamenajman Prizon an. Ajans mwen an pa ka tann pou ede reytilize enstalasyon sa yo pou estimile kwasans ekonomik ak kreyasyon travay, ankouraje devlopman kominotè ak prezèv eritaj lokal".

**Komisè Biwo Sèvis Jeneral Eta New York la, Jeanette Moy, te deklare**, "Gouvènè Hochul ap fè reytilizasyon pwodiktif prizon ki fèmen yo atravè eta a tounen yon priyorite pou administrasyon li. Kòm yon manm novo Komisyón Reyamenajman Prizon an, mwen pa ka tann pou m travay avèk kòlèg mwen yo nan sektè piblik, prive ak san bi likratif yo sou idantifye opòtinite pou reyamenaje pwopriyete sa yo nan fason ki pral ranfòse ekonomi eta a ak benefisyé kominote yo atravè New York".

**Direktè Divizyon Bidjè a, Robert F. Mujica, Jr., te deklare**, "Komisyón sa reprezante yon opòtinite pou reyimajine pwopriyete sa yo ak ranfòse kominote lokal yo, espesyalman reydon nò eta a. Mwen fyè pou m sèvi nan komisyón enpòtan sa ki rasanble pati konsène enpòtan yo ki soti nan gouvènman an, gwoup defans yo ak sektè prive a pou aplike vizyon Gouvènè Hochul pou yon ekonomi revitalize atravè New York".

**Komisè Depatman Travay Eta New York la, Roberta Reardon, te deklare**, "Reyimajine novo lavi pou estrikti fèmen yo se sa New York te toujou fè pi byen. Nouvo lavi vle di yon lòt chans pou kreye novo opòtinite karyè pou rezidan kominote sa yo. Mwen fyè pou m kolabore avèk kèk nan pi gwo lespri nan Eta New York yo pou vini avèk solisyon ki pwovoke novo pwojè revitalizasyon pou benefisyé kominote sa yo ak mendèv kalifye nou an".

**Deborah Berke, Patnè Fondatè nan Deborah Berke Partners, te deklare**, "Li lè pou nou repanse estrikti sa yo, rekonekte yo ak kominote yo, fòje ak repare relasyon yo avèk anviwònman yo ak popilasyon yo".

**Heather Bricceti, Prezidan ak Direktè Egzekitif Jeneral, The Business Council of New York State, te deklare**, "Atravè vizyon Gouvènè Hochul, Eta New York ak konpayi sektè prive yo kapab chèche investi nan opòtinite devlopman ekonomik reyèl nan anpil kominote nan reydon nò eta a k ap chèche yon retablisman oswa ekspansyon anprent ekonomik yo. Mwen eksite pou m kòmanse travay epi mwen fyè pou m fè pati gwoup ki responsab aktivite enpòtan sa".

**Jeffrey Buell, Direktè nan Redburn Development, te deklare,** "Atravè tout Eta New York gen opòtinite devan nou pou reyimajine sa lavi te ka ye alavni. Nan moman sa, gwoup sa resevwa misyon pou kreye yon plan reyamenajman ki pote avèk li plizyè jenerasyon tristès. Pwosperite ekonomik diferan kominote yo laj anpil, pa gen okenn apwòch inik, epi mwen onore pou m menm patisipe nan konvèrsasyon an epi pa ka tann pou kòmanse travay ki trè difisil sa".

**David Bucko, Prezidan ak Direktè Egzekitif Jenral, Galesi Group, te deklare,** "Mwen eksite pou m fè pati Komisyon sa ak rejwenn Gouvènè Hochul nan pwofite tout avantaj opòtinite devlopman ekonomik yo ki prezante nan reyimajine ansyen sant koreksyonèl eta a pou amelyorasyon kominote akèy yo a. Galesi Group gen gwo eksperyans nan reyamenaje ansyen enstalasyon gouvènman yo, kreye opòtinite ekonomik ak travay epi retounen enstalasyon fèmen yo sou lis taks yo. Mwen pa ka tann pou kòmanse travay touswit".

**Penny Hill, Dwayen Developman Ekonomik ak Inisyativ Mendèv nan Hudson Valley Community College, te deklare,** "Tout devlopman ekonomik egzije devlopman mendèv. Amelyorasyon ekonomik pa kapab fèt san etabli yon mendèv kalifye ak dinamik. Anpil endistri ap fè fas ak mank konpetans ki ogmante, sa ki afekte negativman kapasite yo pou yo anboche. Mwen menm ansanm ak Hudson Valley Community College gen yon enterè nan reyimajine fason estrikti sa yo ka reyabilite; pou eksploré devlopman mendèv k ap grandi ansanm ak inisyativ sou fòmasyon konpetans yo atravè Eta a. Sa t ap pèmèt plis Nouyòkè travay nan pòs ki pi byen peye, kalifye pandan sa ap konble nesesite mendèv endistri New York yo. Mwen pa ka tann pou m travay sou pwojè eksitan sa".

**Christa Hines, Direktè Egzekitif CPA Hudson River Housing, Inc., te deklare,** "Misyon Hudson River Housing se pou kreye opòtinite pou popilasyon ak lokal yo pwospere. Mwen pa ka tann pou m fè pati Komisyon Reyamenajman Prizon an pou ede asire li pral fè sa sèlman - transfòme prizon ki fèmen nan Eta New York yo pou tounen lokal pwosperite ekonomik ak kominotè. Pandan n ap vanse, sa pral enpòtan pou nou kreye fason pou tandem rezidan ak responsab lokal nan kominote yo atravè eta a sou pi bon fason pou rive fè sa, epi pataje eksperyans nou nan kreye sant lojman abòdab pwospè ak devlopman kominotè".

**Stanley Richards, Direktè Egzekitif Adjwen Fortune Society, te deklare,** "Mwen felisite Gouvènè Hochul dèske li angaje pou redui anprend prizon Eta a ak reyilitize enstalasyon sa yo pou bay opòtinite ekonomik pou kominote yo ak popilasyon ki pi afekte yo. Fèmti prizon sa yo senbolize angajman Eta a pou redui depandans li sou anprizònman an mas epi geri plizyè jenerasyon moun ki sibi twomatis ak konsekans kolateral anprizònman pou tout lavi. Se espwa nou ke aksyon sa pral inogire yon peryòd plis opòtinite ekonomik pou kominote yo ke anprizònman te pi afekte, epi nan fè sa, kreye yon New York ki pi djanm".

**Ryan Silva, Direktè Egzekitif Konsèy Developman Ekonomik Eta New York, te deklare,** "Reyilitizasyon adapte se yon eleman enpòtan nan devlopman ekonomik, ki

egzije yon plan estratejik ak patenarya ant sektè piblik, prive, akademik ak san bi likratif yo. NYSEDC remèsyé Gouvènè Hochul pou lidèchip li nan etabli komisyón sa, opòtinite pou pataje eksperyans nou ak patisipe nan non manm nou yo. Nou pa ka tann pou nou travay avèk tout manm komite a pou elabore yon plan ki pral modènnize enstalasyon sa yo, kreye opòtinite ekonomik ak ogmante kalite lavi atravè Eta New York".

**Deanna Van Buren, Fondatè Designing Justice and Designing Spaces, te deklare**  
"Kòm sèl antrepriz achitekti k ap konstwi enfrastrikti pou mete fen nan anprizònman kote konsantrasyon an se reyenvestisman restoratè nan kominote yo, Designing Justice + Designing Space kontan pou li rejwenn komisyón sa pou reyitilize prizon fèmen New York yo. Travay antrepriz nou an avèk ansyen Majistra Atlanta, Keisha Lance Bottoms, nan Sant Detansyon Vil Atlanta se prèv travay rejeneratè ki kapab fèt nan enkli kominote a nan prioyize swen sou anprizònman. DJDS espesyalize nan konsepsyon ak konstriksyon altènativ ak anprizònman - yon "ekosistèm swen" ki gen ladan lojman reyentegrasyon espesyalize, espas pou sivivan, espas pou amizman, edikasyon, reyenvestisman restoratè ak lajenès".

**Senatè Eta Julia Salazar te deklare**, "Gouvènè Hochul te kenbe pwomès li pou kreye komisyón sa. Sa elaji travay refòm prizon nan reyamenaje enstalasyon prizon ki fèmen yo kòm sit ki kreye travay ak opòtinite nan kominote yo—travay ki pa depann de anprizònman kòm yon motè ekonomik nan Eta New York. Patenarya ak lidèchip komisyón sa a ankouraje mwen epi mwen pa ka tann pou m wè lòt lide ak rekòmandasyon komisyón an".

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)